

與

稽

齋

叢

稿

廬雲小錄

叢稿第十一

長洲 吳翌鳳

乾隆壬子秋杪自宋旋鄂將如潭州適陳望之中丞  
移節江右道出武昌彊以同行非余志也洪州地勢  
卑下水土不宜旣至復大悔一載後諸同事多稍稍  
引去余亦辭之而歸甫登舟風雪交作凡十餘日始  
渡彭蠡溯江而西行路之難如此前後得詩百餘篇  
借彼墨卿消我幽壘閱者亦可以知吾意之所存矣

壬子

起九  
月杪

短歌三章章五句

羣雞膠膠月欲落行人如烏睡難著挑燈草草起束裝  
慈親啼兒淚相續一月辭家何太速

啟明當戶芒角微嬌兒惜別牽耶衣貧賤在家兒亦樂  
胡爲展轉長路歧行雲亦有還山時

東方日出曉早雅行人出門淚如麻駒光過隙不留影  
羲和亦轉雙輪車我生那得長在家

夜抵黃州

西風將客夢一夜到黃州明月隨人遠寒潮咽浦流山

雲疑作雨江樹易爲秋六載三經此能無歎白頭

放舟彭蠡作

一碧渺無際孤舟失所依亂山隨渚遠沙鳥傍人飛嵐  
氣空中落鐘聲煙外微匡君如可接我欲叩巖扉

南康夜泊

落颿煙水暮彌望白雲封五老峯頭月清光照客篷寒  
蟬噓岸急秋露墜衣濃欹枕不成寐寥寥聞夜鐘

候風南康欲遊白鹿洞不果

花落渚蓮秋回風滯客舟一來南康泊未遂匡廬遊雲

蘇軾詩集卷十一  
氣浮山郭。湖光抱郡樓。書堂遺跡在。凝望迴含愁。

舟中遣興

東林西林不得到。且喜廬山一望同。客子三朝復三暮。  
長年愁水又愁風。

章門守歲歌

舊年已過新年來。六街簫鼓喧春雷。旅人無膠掩書坐。  
攬衣自撥寒鑪灰。沈沈深院斷人迹。盈觴柏子誰追陪。  
堂前官鼓鼉響絕。牀頭檠燭高花摧。流光適盡不堪餞。  
羈懷抑塞何繇開。龍鍾老癯五十一。并并白髮行相催。

故園已是六年別。浮家遠隔江之隈。鄂王城西破茅屋。  
雪花壓樹開寒梅。瓦盆勸酒聚兒女。料亦望遠生悲哀。  
因思萬事類轉轂窮通。豈必皆因材。金張世胄草盡宿。  
鷓鴣矯翼風能培。況今生當聖人代。陽和煦氣生枯。  
菱天公無私物。自物窮鬼莫漫相嘲。哈雞聲入戶。曉色。  
動遙看天際春風回。

癸丑

春日苦雨二首

濃雲器器護簾旌。兩月愁霖不肯晴。花爲愁多常帶淚。

詞一  
三  
柳因風峭不藏鶯禁煙已過春猶淺古砌無人草自生  
試向朝來望煙水江波早與釣磯平

香銷無計熨征裘屋角猶聞喚婦鳩避溼漫思高閣迴  
畏寒時怯曉風柔空階滴瀝遲歸夢院落深沈鎖客愁  
料得楚江暝影裏有人翦燭話洪州

張五羹若來自商上話舊兼懷王二敦初

一自梁園別難逢驛使梅寒宵鐙影裏忽訝故人來風  
雨勞生夢江湖旅雁哀不知王仲子何日草堂開

題西齋壁

三閒廡宇壓頭低，積雨空庭草色萋。  
蝴蝶飛來春不管，隨風吹過短牆西。

陳迦陵先生紫雲硯歌爲望之中丞作

清香畫戟森沈院，琉璃匣啟紅絲硯。  
名士風流已百年，承平遺事還堪羨。  
射雉陂前水繪園，辟疆公子啟華軒。  
筵開詞客冠裳集，花簇歌兒錦繡繁。  
就中紫雲最殊絕，二八芳華擅標格。  
鬢影衣香欲殢人，蘭心蕙質能娛客。  
顛翁此時方妙年，兩情相繫偏憐惜。  
鸚鵡籠深鳥不曉，芙蓉帳冷愁空結。  
玉人命拂衍波箋，十斛明珠筆底穿。



宮體梅花詩百首采豪夜共燭花園許將仙館春風樹  
移種蕭齋暖玉田五日東風十日雨湘中閣上春如許  
捧視朝裁金縷詞焚香夜試雲翹舞五陵俠少競豪華  
誰解真看韋曲花不數當年王紫稼梅邨一曲按紅牙  
銀燭生花玉人別醉擁桃笙空向夕割得端溪一片雲  
傳來卽是三生石異日相攜上帝京殿前作賦墨雲  
生朝回拂拭熏香坐仍伴詩人對短檠是雲非雲幾摩  
撫想見嬌愁舊眉嫵淚眼猶存鸚鵡斑銘詞合入鴛鴦  
譜翰墨傳家正未休貞元詞客足千秋難尋江上藏春

鷗別起山中貯硯樓

家白大寫小像屬題四絕句

冶春筵散別經年江月湖雲各惘然今日相逢重對酒

灌嬰城下雨如煙

辛亥春在武昌同修硯借園

帽影鞭絲歲月催故園三徑此重開一編奇字從人問

可許予亭載酒來

新刊說文字原考畧

一領青氍未許閒草堂何日卜匡山生綃幾箇負簞竹

卽是君家玉笋班

白大工畫竹時將司諭承新

司業青錢乞得無冷官風味亦區區只應煙雨楞伽畔

著箇詩人范石湖

別有石湖  
課耕圖

白广墨竹歌廬陵大令張古餘屬題

白广道人氣如虹詩筆天矯騰蚪龍  
服將餘墨寫竹石  
妙處突過龍山翁麻姑之山千萬峯  
其中修竹多於蓬  
煙鋤雨櫛鬱蒼萃新梢舊葉榮  
春冬杳然靈境深莫測  
綠雲冷護仙人宮白广結茅住  
其下時時獨徃搯吟筇  
天然粉本看不足歸來潑墨煙雲濃  
章門逢君五閱月  
一官去若冥飛鴻吉州城中十日任  
云似野鳥投樊籠  
張侯愛客重招致美酒醉以頗黎鍾  
酒酣染指作長卷

鴛溪十丈規文同先。寫輪囷之奇石。石邊斑駁莓苔封。  
幽泉淙淙落澗底。百道下與江湖通。數竿之竹補其隙。  
橫斜向背光玲瓏。圖成示我一展玩。宛然著我瀟湘中。  
酒痕狼籍墨花溼。雲氣恍惚來深叢。想見解衣槃礴時。  
十指拂拂生清風。我生江南富巖壑。敲門看竹百事慵。  
一從走風塵。聊將圖畫開心胸。作歌復張侯好景不易。  
逢儻得此山。并此竹。便當杖策行相從。

東湖四首

一鏡入天碧。微波漾漣淪。不圖人境裏。得此桃源春。地

幽。林。木。秀。迹。古。煙。霞。新。偶。然。尋。步。屣。魚。鳥。來。親。人。借。彼。  
空。明。色。濯。我。衣。上。塵。

積。雨。湖。水。漲。柔。綠。浮。芳。園。閒。門。無。人。來。鷗。鳥。窺。前。軒。一。  
徑。夾。溪。永。衆。漁。爭。渡。喧。翻。疑。煙。樹。外。別。有。雲。水。邨。渾。忘。  
在。城。市。祇。覺。清。心。魂。

風。志。慕。蕭。曠。遇。水。卽。留。連。愛。此。十。頃。湖。占。斷。空。濛。天。碧。  
杜。被。洲。吐。紅。蕖。吐。芳。鮮。一。痕。西。山。翠。落。此。清。冷。淵。雲。英。  
化。爲。水。水。氣。還。生。煙。霏。微。入。空。際。隨。風。散。無。邊。惜。無。荆。  
關。筆。生。綃。圖。輞。川。

古祠湖東偏雲卿有遺迹  
雨餘菜甲長一片春田碧  
道高物不累迹晦意彌適  
嗟彼攀附流于世究何益  
英賢不偶世甘作冥飛翮  
猶令懷古人來尋灌園客

易硯之明日復以所藏景泰銀絲鈎易得圭硯

作詩報季馴解元

蔣生開三徑來者惟羊求  
磨礪得所資此外良悠悠  
昨朝易圭硯君以鐘硯投  
得一雖足珍悵然惜寡儔  
古圭製質樸石鐘肌細柔  
譬諸兩俊人合伴風騷流  
缺一固不可兼得豈易謀  
復恐犯貪戒計慮所必周  
王恭無長

物尚餘銀絲鉤脫然易之歸箐鐙佐吟謳持身昔有訓  
志士貴求修煌煌古圭璧新典卽墨侯試以龍香劑益  
益予雲浮是時雨初霽斗室涼如秋欣然坐北窗摩挲  
未能休快若得二友墨莊可同遊白广莞爾笑更寫瀟

湘幽

白广又欲  
畫竹易視

白广扇頭寫竹虛其左索予題句

九龍山人工畫竹誰其匹者夏太常白广晚出出新意  
酒酣縱筆神飛揚寒栢一掃長十丈吳綾越練生雪霜  
有時錯落寫煙篠翠環金節聲鏘鏘高齋盛夏苦蒸鬱

白广拘汗鬪幽篁高屏大幃恣揮灑勢若矛戟森開張  
還將餘墨寫此扇白石叢抱青篔簹颯然清風起豪末  
頓覺六月虛堂涼老夫日來詩思拙虛左索句何繇償  
短歌題就墨花溼如有籀龍舞我傍

北蘭寺觀宋漫堂先生畫像二首

西江畫像儼東吳

先生昔撫吾吳今城南  
南滄浪亭有畫像

梅樣清標鶴樣

臞爲政餘閒愛禪悅夕陽秋水伴菰蘆

回首西陂草樹荒

西陂廢  
于黃水

棲神終戀舊雲堂一鑪艾蒔

禪燈裏卽是當年燕窠香



作歌與季馴易風字硯

四座且勿喧聽我歌熏風熏風乃在端溪之北英巖東  
風山爲漸風水井凝成一片青芙蓉良工斲取巧裁製  
結構乃擬蘭臺雄視樓朝洗井華水軒窗四面開玲瓏  
攜來坐客不知賞擊節獨有枚菴翁枚菴連日得二硯  
朝來走筆如游龍赤雲燒空日卓午科頭揮翰堂之中  
若得此硯置几席清颯颯爽來長風吾聞舜揮五弦能  
解愠南風豈必皆無功拂戔作歌寓公子奉揚仁風從  
此始

白。六。四。十。初。度。索。詩。爲。贈。奉。呈。二。律。卽。送。旋。里。

鄭老重逢意更親，官齋燒燭幾經旬。  
西山雲樹新詩卷，南國鶯花舊酒人。  
結習尙餘千畝竹，幽懷時繫五湖春。  
飛騰四十今朝是，顛顛應憐杜甫身。

余長君  
十二歲

數行煙柳又新秋，南浦西風促去舟。  
湖海未除豪士氣，琴書肯爲冷官留。  
歸家正及鱸魚美，拍隱還歌桂樹幽。  
剩有羈人無倚著，夕陽影裏獨登樓。

七夕

碧樹涼生早，微風起夕波。  
神光天際遠，令節客中過。  
砧

杵秋聲急關山別緒多可憐簾影下雨地看銀河

題白广畫竹小冊

我昔夢遊瀟湘浦篁竹叢深不知午傾耳疑聞風雨來  
舉頭忽見鸞鳳舞有時日月漏光采細葉繁枝堪悉數  
或如鐵鉤鎖或如金錯刀或如倒籬葉或如垂鳳毛須  
眉滴翠襟裊碧清音瑣碎敲雲璈挑鐙欲圖圖不得石  
生此冊白广筆重見湘娥淚點斑一片寒光蕩空碧白  
广畫竹近有名十丈鷺溪一掃成翻然縮入徑寸內橫  
稍直幹猶縱橫我生愛竹未種竹只恐此君笑人俗待

攜此用楚雲西恣看浯溪萬竿綠

秋懷八首

秋氣肅羣動曠然天地秋涼風起江介河漢西南流爲  
客會幾時星紀奄將周志士抱虛警蕭辰多遠憂塊坐  
觀物化感歎何時休

迅。颯。無。靜。林。落。葉。紛。已。積。以。彼。蕭。寒。境。寄。此。羈。愁。客。空  
齋叢棘中軒窗有時闢細帙散几案飢禽聒晨夕沈思  
生煩慮耿耿不能釋

鷲鳩搶榆枋鷓鴣巢一枝豈知搏風翮扶搖運天池至

人○審○所○適○薄○俗○昧○其○施○方○當○搖○落○辰○焉○用○競○華○姿○貞○此  
固○窮○節○已○矣○不○復○疑

朝○來○宿○雨○收○庭○草○蔓○新○綠○秋○陰○入○重○簾○流○雲○時○相○逐○聯  
吟○得○嘉○友○晤○言○聊○徃○復○撫○時○發○商○歌○瑟瑟○振○林○木○本○無  
逐○物○心○胡○爲○自○刺○促

叢○鷓○毚○衆○爵○俛○啄○何○多○術○寧○知○秋○林○蟬○飲○露○亦○自○得○俗  
流○鷺○時○趨○誰○能○信○高○潔○多○恐○算○節○至○凝○霜○鍛○寒○翼○崑○岡  
有○瑤○林○一○枝○儻○可○息

萋○蘿○附○松○柏○自○謂○託○根○高○回○飈○一○夕○至○零○落○隨○蓬○蒿○丹

山下威鳳飛鳴求其曹竹蠹花不實千仞自遊遨落  
丈夫志滔滔滄海濤

永夕不能寐披衣啟重扉明河澹無影素月揚其輝壤  
牆蟲語苦隔院砧聲微長天絕來雁千里音信稀徙倚  
獨引領夕露濡裳衣

衰年惜歲徂獨客悲寒早駕言登高岡望遠心如擣嶺  
雲度徐徐江波流浩浩欲將懷歸心寄彼雙飛鳥山中  
有嶺音坐憂桂芳老

後秋懷十首

余作秋懷詩美若見而和之越夕挑燈獨坐  
侘傺無聊復作後秋懷十章愁苦之音不自

覺其郊寒島瘦也

凝○霜○無○華○林○食○貧○無○歡○吟○飄○流○易○生○感○零○落○難○爲○心○我  
昨○攄○吟○懷○調○苦○思○不○深○嚴○飆○日○以○厲○表○鬢○日○以○侵○來○榮○  
誠○無○方○去○盛○不○可○尋○茫○然○身○世○感○續○此○忼○慨○音

在昔少年時不知秋氣悲今茲遇商節摧積已如斯涼  
風欺病骨皎雪生吟頰沈沈如中酒惘惘同傷離傍人  
勸息機謂我已早衰中心空感惻愧彼蒙莊辭

人生寄天地大海浮一葉飄飄無根蒂隨風任所適方  
回雙輪車復鼓重湖楫與世相推移如目不謀睫矯鶴  
恥在數秋扇慎藏篋知幾物乃資世幻等夢蝶

竹風夕相戛空色白幽映披衣步庭除歷歷看斗柄浸  
天涼露氣皎月當空正對此傷人心疑縣照愁鏡人愁  
月豈知月落愁難竟徙倚入房窠微吟對孤檠

看花不看春結交當結貧春花多豔冶貧交多苦辛直  
木生空山子立無四鄰兔絲附喬柯經霜化煙塵富者  
日以故貧者日以新寄言二三子敘此平生親



好鳥不飾羽。美女不飾妝。良士抱貞素。出處各有常。緬  
我同心人。雲路參翱翔。一從天涯別。日出催嚴霜。欲采  
夫容花。寄之道路長。路長不得見。念舊徒旁皇。

南山移渴蛟。北山起乖龍。噴涎爲腥雨。吐氣成白虹。鴻  
雁集中澤。磬磬泣秋風。秋風吹不已。鴻雁將安從。

衆星芒角出。月鏡歸塵函。天公號令乖。縱此祇慕貪。處

高戒盈滿。懷謙自虛涵。至精諒斯在。妙理誰能探。  
七月十五

夜月  
蝕

短歌不能長。激水無時平。步兵死千載。空山無哭聲。曠

覽斯世內妍媸鮮定形義和駕風馭蘭膏失其明夜鏡  
不照影何如秋泉清所以古志士貴在垂令名  
動覺寒日短靜知秋夜長雄雞一再號撫劍心激昂君  
子崇道義達人守綱常茹荼不言苦相與爲樂方蘭桂  
生空山順時振芬芳矯矯摩天翮不隨燕雀翔

使院雙鶴吟

烏虜爾鶴本胎僊宜在瀛洲之上方壺間玉笙合奏石  
壇月雪羽雙舞瑤臺煙胡爲乎入茅君之金穴慕懿公  
之華軒沈沈使院鎖白日竹花不得采瑤草不得搴垂

頭。戢。翼。儕。燕。雀。天。門。遼。澗。不。得。同。躋。攀。我。來。撫。雙。鶴。爲。  
我。齊。起。舞。我。昔。曾。工。相。鶴。經。識。爾。骨。相。權。奇。歲。月。古。揖。  
蘇。耽。招。浮。丘。仙。之。人。兮。駕。爾。凌。滄。洲。亦。曾。放。爾。招。爾。山。  
之。幽。別。來。幾。千。歲。鶴。尙。識。我。不。瓊。樓。何。高。高。鄧。林。何。修。  
修。三。株。之。樹。結。子。如。琳。璆。不。如。放。爾。去。乘。風。極。其。遊。莫。  
使。腰。纏。客。騎。爾。上。揚。州。

題張少安新齋二首

不厭幽棲癖。翻憐丈室寬。小山當戶出。老樹入秋寒。瀟

灑。瀉。紅。襲。

昨于鎮遠  
納一小姬

煙雲落素紈

工寫  
山水

修廊題壁在乘

燭幾回看余寓此齋者雨開月

寥落常爲客。蕭閒只此心。閉門黃葉滿。對酒暮雲深。未

遂青山約

時欲歸未果

應憐白髮侵。五湖天樣遠。同是失巢

禽

秋日雜感三十首

癸丑歲作客章門。秋風蕭瑟有慨于中。鐙下無俚輒排平韻作七言八句詩。每夕或一二首。或三四首數夕。而畢。汎寫胸臆。閒述往事。事無幽顯。悉見于篇。豈秋士之多愁抑。騷人

人之善怨衛叔寶誰能遣此桓子野欲喚奈  
何同舍諸君幸垂和焉中秋前一日枚菴題  
延緣甘作寄居蟲消受秋鏗一穗紅入世未須悲幻影  
當歌且復遣玲瓏宵來吉夢隍中鹿老去雄心渭水熊  
筋力尙堪驅使在旁人莫漫笑冬烘

一身萍梗鬢鬚鬆記得征衣密密縫窮鳥更誰憐趙壹  
隻鷄終自愧茅容人情詰曲穿珠蟻生事艱難釀蜜蜂  
回望白雲天際杳厭原山色夕陽春

滕王高閣對崆峒檻外江流瀉怒瀧故事僅堪捕蚊虻

秋風何處采蘭。茫桑林已倦人。三宿漁浦時來。笛一腔。  
世態較量吾已熟。都盧何用立修幢。

子立真慙術足。葵西風老鶴共。襤褸短衣露肘。憑誰組。  
冑絮蒙頭。祇自嗤愛我不嫌。袂視玉憎人。直欲豆然其。  
愛憎畢竟知疇。是恩怨分明一解頤。

心清并不薄脂韋。短塵從容手自揮。燕入華堂空懔懔。  
嶽凌遠岫自崔巍。孤高本不因人熱。願領翻教羨菜肥。  
會得世閒真色相。不妨窮士在蘆碕。

東坡詩菜  
肥人愈瘦

局趣輟駒豈自如。出門何處不崎嶇。機逢背觸存肩語。

話極魚龍但口吐當境因緣皆雪爪醉鄉日月亦華胥  
結鄰賸有偷麩汁百一裁詩和應璩

江○湖○七○見○歲○云○徂○練○影○吳○門○望○眼○枯○潦○倒○技○窮○修○月○斧○  
回○翔○心○比○相○風○烏○可○憐○刷○羽○棲○梁○燕○不○及○撐○腸○网○戶○蛛○  
下○溟○穠○田○無○恙○在○歸○時○先○辦○釀○麴○麻○

水邨詩社昔分題落落名賢數阮嵇舊雨只今歸宿草  
枯楊何日長新稊空存後死三生骨未了前緣百甕齋  
半百年過無那老羞將短髮覓鸞篋

丁亥成與林龜巖  
結水邨詩課彈指

二十餘年諸君子半已  
物故龜巖沒亦九年矣

因樹編籬小住佳溪藤汗竹賞心諧絕憐千里懷人夢  
先到孤吟處士齋容散橫塘無酒伴光生筆冢埽煙蘊  
年來得遂閒居樂嬾問山松驛路牌

懷毛意香并憶橫塘舊遊意香工書

故有第  
六語

一自離堂賦綺懷茫茫長日儘堪哀

綺懷詩有句云茫茫長日愁如海寄

語義和快著鞭未幾竟卒遂成詩識

風塵未必無奇士貧病偏能損異才

傑句千篇藤笈貯桃花一樹墓門開雲藍小袂皆塵土

澆酒何人哭夜臺

悼黃仲則

氈車老作倦遊人溟海歸來有角巾舊業已隨官況盡



高歌不厭杜陵貧。扶衰柳。栗和身瘦。問字生徒與歲新。

別久不知身健否。好憑孫楚訪松筠。

寄孫公執尚李軾  
圃先生消息李今

年八十有二孫  
亦七十二矣

青溪桃渡水。云。云。簾閣新涼。簇。簟。紋。冰。柱。促。弦。春。對。酒。

銅。槃。燒。蠟。夜。烘。雲。東。山。荒。草。迷。陳。迹。南。浦。秋。風。落。雁。羣。

今日水天閒。話裏兩牀絲竹不堪聞。

與諸子話  
秦淮舊遊

檢點衣裳盡淚痕。旅愁無計遣清尊。飢思吳國香秔美。

貧惜姜家布被溫。遑事低回雲變化。晚塗流浪水奔渾。

憑高望極天涯路。何處柴門老樹郵。

吳根越角路漫漫自別西湖歲月寬三竺雲山清夢杳  
六橋煙雨落花寒詩題粉壁前塵在淚灑黃墟夕照殘

侂日扁舟尋舊約武林春色不堪看

昔與趙臞生同遊西湖今臞生棄世

十餘年矣

縹囊玉軸太嫺爛薦福轟雷一炬還古佛亦難彌浩劫  
寶章那許落人間懺除宿業雄心盡勘斷浮華客夢閒

猶有硯田生計在墨雲深護海虞山

常熟韓梅坡工書寓郡城東之月聲

菴蓄法書名帖甚多一日不戒于火燔燒盡矣

左右風懷老未捐一官偏乞廣文錢笑侂暖閣春燈謎

不稱蕭齋夜雨。甌落拓可憐人。欲殺煙花難遣月。長圓無慘漫續齊諧記。舌劍唇槍莫浪傳。

沈贊漁以傳奇著名喜作狹狎遊年

來司論邪門作諧鐸一書多所譏刺因成此章蓋爲贊漁危之也

秋林落木影蕭蕭。回首三峯積翠遙。香冷影堂空妙相。雲深石鳥結團焦。千山月色禪心定。一枕泉聲宿業消。我是東坡老居士。草堂夜雨話參寥。

懷白雲泉僧一峯并悼其本師三峯

中倫和尙

浪迹真同不繫匏。孤齋恰近水雲坳。風生絕壑聞江瀨。葉落空林露鳥巢。古砌亂葦愁自語。幽窗冷雨夜頻敲。

殘燈顧影真堪笑酒盞茶爐忍便拋

雄雞短檠鎮三號曉色蒼茫舞佩刀濟世勳名須鬢老  
懷人風雨夢魂勞命官直是填磨竭竊語何嫌記諾臬  
土梗桃人同逝水諸公且莫笑吾曹

潦倒空爲擊楫歌長天渺渺水增波過江名士銷聲久  
入楚雲山卷畫多做吏漆園空化蝶書生陽羨但籠鷺  
秋衾一枕吳船夢鈴淚盈盈隔絳河

借園上已拓窗紗入座才人手八叉故事禊堂仍癸丑  
新愁江國自鶯花角巾未許開三徑除目何時下九華

知有音塵存舊雨應憐書劔尚天涯

劉純齋觀察書來云今歲上巳三舉

修禊之會與者自王蓬心太守王夢樓侍講外三十餘人以不得鄙人入座爲嫌嗣純齋以需次入都久不得

其息耗矣

衰遲重入少年場樂事無多細忖量過市不妨偕趙李  
吟詩已是斥山王洞簫誰遣宮人記玉局先爲道者裝  
寄語金昌諸酒伴莫嗤野老更風狂

縹緲層樓出玉京綠窗雲重蕤香嬰憐佗骯髒塵埃骨  
那識高寒風露清一夜花開皆蔭荀雙聲曲奏總咸英  
定知不是人間賞鼯睡彌明莫漫驚

八月九日紀夢

何郎東閣子雲亭接席論時一載經雅會正如雲易散  
別愁難遣酒初醒著書未了先頭白分俸何堪累汗青  
若問茂先今好在江千秋雨夜同聽

昨在商丘王二敦初許助刻余所注

吳梅邨先生詩集茂先謂張五羹若

歸興蕪鱸定幾會笈囊僕僕歲頻仍响濡難適江湖樂

清劑知非粥飯僧僕病未遑歌主客書稀終是愧親朋

昨宵依約回蓬華雪壓梅花月半棱親友有責余書問者故有第六語

方圓柄鑿本難侔莊鳥吟成得自由半畝薄田宜種菜

百金良藥亦封侯浮游身世同芻狗刻畫衣冠總沐猴

過眼繁華看欲倦要知目睫不相謀

夜○色○蕭○疏○碧○樹○陰○悲○秋○情○緒○薄○寒○吟○詩○人○未○老○清○尊○在○  
陳○迹○無○多○舊○燕○尋○那○有○風○懷○消○出○壘○祇○餘○涕○淚○灑○人○琴○  
二蕉死後風流盡難向人間覓賞音

二蕉謂陳雪蕉虞雨蕉陳有箇傳集

虞有紅蠶山房集

庚郎枯樹愴江潭顛顛芳心自不堪失學兒頑提傀儡  
多愁女病懺瞿曇妄言姑聽人談鬼幻化那知蝶是蠶  
且厲永霜存晚節明年五十又加三

颯○颯○涼○颯○不○卷○簾○著○書○已○分○老○夫○潛○貞○心○肯○作○踰○淮○橘○

生計休憐上竹鮎雪裏蕉抽非幻景枝頭鵲噪亦祥占  
年來怕見乘除事一枕邯鄲付黑甜

阿那煙江半幅飄閒庭亂草不須葢叢殘祕笈供研削  
平澹新詩戒刻刻生意盡回芳桂樹酒痕猶染舊春衫  
橈頭船子樵青伴自署江湖釣客銜

嚴少峯孝廉見余所易圭硯云是尊甫愛亭太  
史故物卽以歸之

執友淪亡後風標又見君摩抄憐手澤慘澹泣秋雲爲  
返秦庭璧誰傳孟氏文山河真已邈灑淚表孤墳

太史  
墓銘



余爲  
篆蓋

舒文節公象笏歌

公諱芬字國裳江西進賢人正德十二年進士第一人授翰林修撰尋諫南巡嘉靖初議大禮先後受杖罷歸學者稱梓溪先生

君不見段司農以笏擊賊真豪雄又不見魏鄭公稜稜遺笏銘孤忠梓溪先生豫章彥肝膽輪囷口如電儒官自是玉堂仙報主丹心經百鍊武皇當日好豫遊白雲黃竹崑崙丘先生執笏數疆諫皎然志節凌高秋佗時

大禮持同異新進爭非濮園議左順門前慟哭來虎豹  
森沈九關閉兩朝廷諍老臣風玉局才人幾輩同重經  
赤棒傳中旨一領朝衫血裹紅丈夫讀書致上第富貴  
功名安足計當官不言公乃言青史至今名不替一笏  
遺來等翠珉斑斑猶染血痕新漢廷得似朱雲檻留待  
千秋旌直臣

附銘

時在南昌使院與節使及諸賓  
從同觀意有未盡復作此銘

常山之舌比干之骨舌腐骨銷稜稜此笏飛龍衙衙  
利口喋喋拄天屣佞摩蕩列缺祿位可輕笏不可折

山。河。可。改。血。不。可。滅。古。人。立。朝。仗。此。忠。節。貪。夫。趨。炎。  
爲。國。之。賊。警。頑。厲。隅。請。視。公。笏。

一鳥行

一。鳥。鳴。啾。啾。百。鳥。環。其。間。飽。食。玉。山。禾。飛。落。青。雲。端。羽。  
毛。璀。璨。人。不。識。非。雕。非。雉。非。鷓。鴒。有。時。顧。影。矜。得。意。梧。  
竹。清。陰。恣。遊。戲。有。時。決。起。怒。作。聲。目。光。睨。睨。陰。風。生。兒。  
童。走。匿。父。老。驚。一。鳥。朝。何。之。乃。在。平。田。啄。人。肉。鳳。凰。垂。  
翼。噤。不。鳴。寡。婦。哀。哀。那。敢。哭。一。鳥。夕。何。徃。乃。在。高。墉。食。  
腐。鼠。前。導。鷓。鴒。後。訓。狐。飽。噉。填。腸。茹。不。吐。道。逢。挾。彈。郎。

關弓舒兩肘凝精審視不得發惟恐施凡汚吾手君不見南山有冥鴻蕭瑟秋風葺銜蘆飛飛謀稻梁弋者何所慕

謝陳良徵惠鱒

涼風撼撼摧高梧月明滿地霜華鋪此時尖團竝稱美肥膩絕似膏油塗吾家江南號水國緯蕭截取來街衢

百錢買得四五輩

黃山谷詩寒蒲束縛十六輩

風味不數長橋鱸竭

來彈鋏向江介食單絕與鄉園殊招潮擁劍尙難致況望此物充庖廚朝來忽覺十指動庭前嬉笑謹頌奴傳

言故人惠蟹至佐以佳釀非邨沽亟洗翠釜煑松火清  
泉茗以桂荏蘇盈槃博帶列几案金穰玉片醲而腴東

齋張翁骨相臞

謂羹若

得二卽止云頭痛老夫饕餮不知

足乖齋殘爪堆盤孟腐儒豈必貪口腹惟蟹害稼蝗蝻  
如今年大水徧吳楚貧民粒米真如珠東隣已聞鬻兒  
女西舍又復催賦租潦盡晚禾冀登隴留此不食非良  
圖翻憐此身本菰蘆釣竿輕擲來江湖豬肝反遣累安  
邑不時誰供詩人需年來我欲薄滋味不用門生議蟹  
鉏

送葉瑞千旋楚

丈○夫○意○氣○合○不○在○致○千○金○一○權○獨○歸○去○難○爲○居○者○心○風  
聲○彭○蠡○莫○江○色○漢○陽○深○愛○日○真○堪○戀○無○煩○激○楚○音

秦良玉御賜錦袍歌

酉陽土官女中傑繡纛風開劔親掣一騎紅妝馬上飛  
襦○襜○耀○日○團○花○纈○萬○里○橋○邊○銅○柱○標○三○千○練○甲○醉○蒲○桃  
將○軍○已○歿○山○河○改○留○得○前○朝○舊○賜○袍○蔚○藍○色○組○流○霞○綉  
魯○縞○齊○紈○失○蔥○蒨○紫○鳳○猶○凝○戰○血○殷○海○圖○未○折○波○紋○練  
憶○昔○平○臺○受○賜○時○豐○容○結○束○勝○男○兒○珠○牌○早○下○三○巴○檄

御筆親題四首詩。黑山賊踞夔巫下。蟻聚蠡屯散原壑。  
斬將頻舉翠羽旗。致師深躍桃花馬。一婦威名孰敢撓。  
雄心耿耿幾曾平。夫人城上旌旗色。娘子軍前刁斗聲。  
歲時設醮搥銅鼓。開篋披來轉威武。帳下蠻姬夔夔妝。  
軍中異樂魚龍舞。一自巴渝落婺星。杜鵑嘯血灑寒汀。  
錦袍已是空箱壘。只有功名照汗青。青海寓承平。土疆徹  
子孫流落江南陌。先澤重將法服陳。君恩直等鴻泥迹。  
二百年來色尚新。祁連高冢臥麒麟。雲臺添畫安邊女。  
錦繖風流竝絕倫。

題景斯皇花禪圖二首

江湖載酒惜芳菲，消受香林玉一圍。  
會得前塵空相在，不妨身著水田衣。

妙法三乘演慧車，笑佗老衲太波查。  
粉痕香影真禪悅，卽是西天稱意花。

送張少安歸吳二首

世事成蕉鹿，歸心逼渚鴻。  
故鄉何日到，別緒幾人同。  
夜雨山城檝，春颿水驛風。  
知餘懷舊夢，猶繞楚雲東。

久客須眉改，還家面目真。  
尙餘三畝宅，莫負五湖春。  
穉



子看成長新詩問隱淪田園生計足應悔走風塵

送方壽門歸淳安

鵬鷲凌空亦倦遊翻然一擢下嚴州青山自合招名士  
滄海何知有橫流西嶺雲煙終古幻平臺賓從幾人留  
掉頭我亦從君逝浩蕩春波有白鷗

酬別李馴兼寄少峯

時少峯歸吳

殘臘蕭蕭風滿林離堂絲竹感人深一尊燈火玲瓏夜  
千里關河去住心巢父掉頭非過計蔡邕囊尾是知音  
吳天好寄相思夢莫向臨歧淚染襟

抽颿集

叢稿第十二

長洲 吳翌鳳

自至章門卽萌歸志今年正月五日始得成行而今  
而後庶其浩蕩江湖間乎合五月已前邸寓之作通  
爲一卷曰抽颿集

甲寅

盡五月

歸舟遣興二首

雁影落滄洲  
羈人不可留  
祇緣戀慈母  
未敢託諸侯  
落日動江色  
寒風生遠愁  
滕王高閣在  
慚愧說登樓

試問章江水孤颿幾日程山雲多暮色津樹有離聲對  
酒不辭醉吟詩空復情望湖亭上月迢遞向人明

舟雪

夢起聞飄瞥推篷皓已盈未嫌春意淺祇覺曉光清  
斷岸無人迹荒雲有雁聲江湖滯歸客對此不勝情

元夕泊大孤塘

繫櫂荒邨作上元叢祠簫鼓正喧闐誰憐濁酒孤燈裏  
千里歸人暮雪船

門神詩四首和羹若韻

莫訝充閭地位崇。當場幻景未全空。呈身漫說須眉老。  
擁笏猶矜意氣雄。紙上功名真草草。門前車馬太恩恩。  
豪家一載乘除事。盡在先生冷眼中。

第令監奴鎮接駢。耽耽此老更當關。埽門有客才終忝。  
懷刺何人迹未刪。早見閒扉當落照。尚憑故帖戀清班。  
錢神有論何須續。只合同身掩獸環。

衣冠磊落自矜奇。題鳳人來爾詎知。賴有琅玕披錦腹。  
休將藻纈炫門楣。雀羅世態君應熟。蝸寄人情我亦悲。  
爆竹一聲殘臘去。巢痕盡埽已多時。

巢痕見  
蘇詩

別有蚪鬚襍蝟毛終南一窠儼分曹門庭我已真成朱  
呵護君休不憚勞魑魅依光何日盡芴袍當戶漫稱豪  
天音歪斜畢竟多傾覆處世全憑立脚牢吳俗鍾虺例多斜貼

歌贈德安通守馬香谷

君家議瀆邊我家市橋畔兩家南北一河分落拓經年  
寡相見自從君作京華遊我亦拂衣辭故丘西窮漢沔  
北梁宋灌嬰城下歸驅抽河陽置酒會儔侶入座驚聞  
故鄉語乍見翻疑容鬢非道愁各謫風霜苦君家家世  
稱工文君尤天矯能空羣十年上策不得遇一官顛顛

依。蠻。雲。量。移。雖。得。增。高。秩。監。郡。東。來。更。蕭。瑟。官。舍。何。堪。  
草。蕨。荒。俸。錢。不。救。妻。孥。急。宦。海。茫。茫。反。得。閒。捫。碑。看。徂。  
郢。門。山。古。金。貞。石。珊。瑚。網。紙。筆。都。從。幕。府。頌。

時畢弁山制府命采

訪湖北金石文

憶昔與君相識早若翁吾翁交更好吾翁淒涼

墓。草。宿。若。翁。朱。冥。明。經。老。競。言。子。弟。擅。家。風。出。處。於。今。  
兩。不。同。黃。綬。早。看。公。子。貴。葛。衣。誰。念。故。人。窮。回。首。吳。門。  
渺。煙。樹。可。憐。第。宅。都。非。故。瀆。下。依。然。碧。水。流。橋。邊。幾。見。  
斜。陽。暮。去。燕。來。鴻。二。十。秋。相。逢。忽。在。楚。江。頭。武。昌。煙。柳。  
垂。垂。綠。滿。汎。清。尊。說。舊。遊。

聞姜松泉齋中牡丹將放高小雲有詩索飲因

成二律簡松泉

低亞闌干屈曲離名花已是半開時一聲嘯鳩春將老  
三月行園賞未遲過雨待看姿掩映護風遙想幔離披  
清平絕調誰能繼添得高三十五詩

唐高適行三十五謂小雲

一從身落軟紅塵崇敬花期幾度新開徑不妨招舊雨  
鉤。簾。何。忍。負。殘。春。未。須。羯。鼓。催。花。發。且。遣。清。尊。入。手。頻。  
傳語東風好擡舉今年春色倍憐人

楊三永叔重納小姬以詩調之八首

時永叔客武昌制府

幕

青鳥西飛信鴟媒年前一舸逐春回  
連波悔過知何日  
重向江皋解佩來

寫韻軒連朱鳥窗  
辭家渚畔采蘭  
茫春風多少閒  
蠡蜨  
共命文禽只一雙

姬吳姓辭家  
渚其所居

疎疎涼露溼紅蘭  
別院羊燈夜漏殘  
不解殷勤誤桃葉  
翻憐風水渡江難

蘭房卻扇酒微酣  
上已風花隔夕探  
怪底玉郎描黛淺  
一痕恰似月初三

時三月  
二日



芙蓉雙頰暈紅潮稱體裁衣曳絳綃一種芳心抽不盡  
綠窗親與種芭蕉

鎮日歌臺舞柘枝費他急管與哀絲惱人莫怪情懷惡  
唱到回波拷柘詞

繡閣與歌臺切  
近日常演劇

一夜瓊枝雨露新紅羅帳暖十分春休言鸚鵡雕籠裏  
尚有銀鐙擁髻人

犢車塵尾太愁生我見猶憐莫漫驚從此好題三婦豔  
勸郎不用煮倉庚

揚花篇

武昌城外垂楊樹三月輕盈卷飛絮綺陌紅塵撲面來  
青樓紫燕穿簾度江上東風十日寒朝來鋪滿玉闌干  
可○憐○著○水○爲○萍○易○不○管○隨○春○紫○馬○難○誰○家○少○婦○憑○妝○閣  
拾得楊花淚雙落檀板休歌金縷衣路旁斜日鷓鴣飛  
頻○舉○翠○幕○垂○纖○手○遙○見○花○驄○上○柳○隄○柳○隄○一○樣○風○流○客  
鞭○絲○斜○裊○春○痕○碧○又○向○句○闌○宛○轉○飛○東○西○南○北○無○消○息  
年○去○年○來○離○思○多○攀○條○摘○葉○奈○愁○何○天○涯○漂○泊○誰○憐○汝  
忍聽風前蹋臂歌

春暮楊永叔沈白華項直菴史開厓招集藹園

卽事

柳絲風裏一旗斜。落拓春遊感歲華。酒熟恰逢前度客。  
壬子七月嘗集于此時用厓在座天晴補看去年花。庭除觴詠宜三月。  
城內園林此一家。興劇莫嫌歸去晚。孤颿明日又天涯。  
時余有湖中之行

古意三首寄姜杜薌中丞

甲寅春章江回櫂中丞復相延致余因婦病  
不遽行繼又兩以書來趣裝撫今追昔感而

託興

織縑爲新人。織素爲故人。但見新人故。不聞故人新。盛  
年處房閨。龜勉甘賤貧。和風一披拂。微軀被陽春。遂忘  
道阻修。遠適江漢濱。孤芳振蘭蕙。雅操堅松筠。幸結君  
子知。得敘平生親。春光不久留。夙駕還重闔。願言申中  
款。迢迢隔參辰。

浮萍逐浪飄。海燕辭巢宿。一身無根蒂。自顧何能淑。四  
角阿那帆。雙輪宛轉轂。蕭蕭冰雪中。肅肅天涯目。章臺  
柳不芳。梁園草空綠。愧彼風前花。卓爲霜下鞠。收塗涉  
彭蠡。順時變涼燠。言旋及首春。飛蓬謝膏沐。貞心終不

渝。默。默。事。幽。獨。

幽。幽。杜。若。芳。渺。渺。湘。江。濤。自。我。辭。靈。修。脈。脈。三。年。心。豈。  
無。藉。裾。客。眷。此。歸。巢。禽。異。苦。不。同。岑。浮。慕。非。所。飲。春。波。  
躍。雙。鯉。念。舊。致。徽。音。情。深。見。真。意。懿。好。披。淵。襟。遭。迴。不。  
得。發。蹉。跎。遂。成。今。君。子。重。明。義。風。人。守。良。箴。還。將。故。機。  
錦。裁。爲。合。歡。衾。上。有。鴛。鴦。鳥。下。有。嘉。樹。林。始。知。枯。桐。枝。  
可。以。徽。黃。金。

感舊詩九首

裴先生肇鼎字定年號雲門錢塘人僑居吳

中教授生徒以自給卒後王卷密翁哭以詩  
曰醉後小天地狂來哭古今蓋實錄也有浴  
思堂詩律體極工沈文懋公撰別裁集主決  
擇者與雲門不協故未登其詩今後生末學  
知雲門爲詩人者寥寥矣

雲門博雅儒議論有根抵問以經史事背誦如流水我  
登浴思堂識君已葺齒好酒劉伶如善哭唐衢比三杯  
入枯喉雙淚落清泚古今多不平憤鬱詎可擬因而獨  
閉關嗚咽不能止同時王芝軒沈號齋進士明經倚嗜好亦方軌

君尤工苦吟戛戛追正始流俗專忌才歛忽騰謗毀所  
以荆公書不登杜與李悠悠三十年瞥眼去如矢有子  
亦聾啞偃蹇相繼死宋冥羅江東何人知姓氏惟有卷  
密翁十字作哀誄

陳學海字文瀾號雪蕉與余交垂三十年性  
和易而論詩獨斷斷唐宋之分中歲骨肉都  
盡上無一瓦之覆丙午春暴卒于城西唐氏  
寓館年五十有八凡三娶而卒無子遺一女  
僅數齡友人陳素爰撫養之所作雪蕉詩草

四卷歿前兩月持以授余愧余奔走四方未  
及梓以傳之也

荒亭爨下竹中有穿雲聲買人車下鐸能使黃鍾鳴陳  
君詩家流落落不近名吐詞獨渾雄其言明且清維時  
尚末學詩體紛變更君乃守成法筆陳無縱橫紛紛汗  
漫徒矢口交相輕識君方盛年年長事以兄詩成互評  
隲稱量如權衡議論有不合面赤猶交爭頗謂得君益  
不爲流俗嬰生平寡交遊獨守幽人貞家道旣申落餬  
口藉筆耕骨肉凋喪盡一星曙偏明墓草今已宿肝膽



誰與傾遺詩空在篋負此直諒情

辭起鳳字家三號香聞乾隆庚辰舉于鄉喜  
讀釋氏書時二林居士以禪學爲導師其信  
之最深者香聞及汪子大紳也余每過其齋  
輒諷余從事于此余自愧鈍根笑領之而已  
作詩時近偈語如世間只有修行好天下無  
如喫飯難之類頗多家有藏書佛經語錄居  
其大半旣歿所後子傾箱倒篋盡付酒家媿  
矣

辭君高世士寄迹城東隅枯坐佛香中一編常晏如榮  
名非所重孤懷自虛徐儵然野鶴姿不爲塵垢污撚頰  
或微吟朱朱禪定初心清見真性境靜還太初緊余豈  
異趨自顧多鬱紆空令緬遺蹤白雲掩荒廬

余蕭客字仲林一字景初號古農受業惠定  
宇先生之門學有原本稱詩宗法少陵義山  
眉山涪翁而融以出之卓然成一家之言藏  
詩頗多善本身後無子母妻又相繼死盡散  
如雲煙矣所著古經解鉤沈文選音義行于

世別著蘇黃滄海集尙未卒業并詩稿俱存  
其門人江藩鄭堂家

舉世尙文藻餽生昧儒術九經束高閣三傳等贅筆吾

吳松厓翁

卽定宇先生名棟

仰屋勤著述筌蹠守馬鄭義理貫

蟻蝨哲人旣云亡此道翳蒙密君也紹絕學斤斤不違

逸冥心事鑽研鉤沈收放佚餘事作詩人雅韻協琴瑟

少陵暨涪翁一一勤討悉蔚爲一家言卓爾冰玉質五

十未始表微摩遽示疾老屋古城西蒼鼠窺叢棘平生

所著書辛苦自編輯伯道嗟無兒付託那可得揚門有

侯芭慎守庶毋失

林蕃鍾字煜奇號蠡艇乾隆戊子舉人童巾  
時卽能作擘窠書有名後書日益工名日益  
盛見者謂入董香光之室無異詞構書室曰  
小寶晉齋曰頤山樓中蓄法書名帖甚多每  
有所得必出以相賞三日不見互相過訪不  
則飛赤蹠相徃還兩家童子趾錯于道如是  
者垂三十年甲寅歲補婁縣學官同人祖饒  
其齋繪圖賦詩余爲序之旣至鬱鬱不自得

所居行館又著名凶宅遂臥疾不起病革時  
猶手書指余未及徃而赴至余買舟徃哭經  
理其器爲之作傳自君死余拓落風塵益無  
聊賴矣詩工五言填詞尤精得草窗玉田神  
髓然知者尠矣

憶昔識君初君年纔十齡同時魯兩生共守雞窗經沈

郎

漁

才不羈快如新發劓戴生

壽

江東秀和聲韻流鈴

君性如止水澹然自淵渟沈思運精意萬象無逃形顧  
此冰雪姿舉俗紛羶腥亭亭頤山樓塵帟如郊垌春風

梳。舉。比。秋。月。開。雲。屏。填。詞。宗。白。石。臨。帖。樵。黃。庭。我。時。款。  
君。語。說。畧。無。畦。町。穢。然。脫。巾。坐。醉。倒。雙。玉。餅。嘉。會。不。可。  
常。離。筵。上。旗。亭。一。官。落。海。溼。苜。蓿。餘。幽。馨。講。舍。鞠。茂。草。  
書。堂。冷。秋。螢。鶴。鷗。繞。屋。唳。魑。魅。窺。窗。櫺。一。客。附。書。至。君。  
體。偶。不。寧。逢。人。問。真。耗。病。如。秋。葉。薺。巫。覡。瞰。房。閤。蒼。頭。  
市。蓑。芥。倉。皇。更。借。問。云。已。具。灰。釘。衰。容。入。我。夢。急。足。叩。  
我。扁。卒。然。得。君。赴。痛。若。遭。鞭。刑。西。市。買。紙。錢。橋。南。買。吳。  
船。三。泖。水。微。茫。九。峯。雲。晦。冥。撫。棺。惟。一。慟。哀。極。涕。不。零。  
說。君。垂。死。時。背。淚。雙。熒。熒。時。時。盼。我。至。遣。視。無。留。停。蕉。

雨聲浙瀝檐馬何東丁遲來實負君慘語不忍聽荏苒  
十年來人事如浮萍戴生燕市傍長醉不願醒廣文飯  
不足沈郎亦伶仃走也去故鄉入載棲江汀早裘等蒲  
柳癡坐愁吟竚祇餘懷舊夢恍惚隨爽靈泠泠夜鐘徹  
孤燈湛寒青

彭績字秋士號野蠶性情孤峭落落難合坐  
則忘起行不識塗其於世事情如也詩尙僻  
澀與世之作者絕不相入二三知好又推許  
太過是以人多排詆之皆非平允之論家酷

貧中歲暮偶孑然一身年四十餘死遺稿存  
其猶子二林居士家

彭生古狷者稱詩薄流派唐賢森卓立少可而多怪獨  
于賈島佛欲下方干拜家門本鼎貴秉性守貞介孤懷  
淨。永。雪。世。路。紛。機。械。俗。流。參。其。間。勢。若。攫。螽。蠹。知。交。三  
五。人。乃。獨。無。芥。蒂。坐。對。或。終。日。氣。靜。神。不。倦。戛。然。鸞。鶴  
姿。詎。以。貧。病。殺。獨。行。今。則。亡。清。言。終。勿。壞。傳。之。在。其。人  
矯首望香界

家錫嘏字介祉號菜香工篆刻下至梓人裘



潢匠之事亦皆通之惟醫術爲最劣性愛石  
羣峯林立皆米顛欲具袍笏以拜者因名其  
室曰奇友齋陳設古雅纖塵不到古樹奇葩  
羅列盆盎嘗指示余曰某某已歷若干年亦  
有五六載而未留枝葉者不止于十年種樹  
已也壬寅夏得疾自投劑飲之遂不起無子  
有妻方氏嫻于家政數年來不知其存亡矣  
與君同譜牒蒲齋傳句吳中更散佗鄉播遷仍舊都百  
泉本一原衍派殊榮枯君也獨秀出不愧吾家駒弱齡

通篆籀刻印摹趙吾三篇喻浩經一卷汜勝書游菀靡  
不精餘事吟懷拙差少弟畜之調協如笙竽論文與讀  
畫暇日多歡娛憶余初度辰

辛丑歲余  
年四十

爲我華筵鋪食

單擬候鯖酒味過醜醜入座十五人磊落皆壯夫蔣生

飲最豪氣欲吞江湖回頭語馬卿心爾可騰百觚陳

顛雪莞爾笑不覺傾一壺勝引尙如昨歲月不我居君

徑。遣。小。極。氣。體。鬱。不。舒。虛。醫。適。自。醫。遂。乃。卷。厥。軀。黔。婁。

有。寡。妻。伯。道。無。遺。孥。平。生。所。愛。物。纍。纍。山。齋。儲。米。顛。一。

品。石。丁。緩。七。寶。鑪。一。朝。失。所。守。煙。雲。過。雙。臚。轉。盼。陳。顛。

亡蔣生死道塗就中王

范趙賢

輩先後薨荒蕪其餘十

數人馬卿亦羈孤衷宗惟我在晚歲猶茹荼春風長萬  
物庶使根蓼蘇

虞敏字勛之號兩蕉一號紅蠶稱詩無門戶

習氣兼工古文筆情峭折長于論斷壬寅歲

介王墨君來訂交尋往訪其邨居留信宿題

詩壁間而別是時厥後過從甚密極詩酒友

朋之樂丁未春竟一病不起無子嗣族人子

爲後未幾其妻亦死

君家橫塘曲。拍手楞伽山。石湖遠柴門。滌蕩塵土顏。一  
官落蠻雲。典盡行卽還。虞卿遠。工愁劉伶善。閉關說詩  
自標致。榛芴力除剛。知希和乃寡。零落同茅菅。惜哉未  
四十。溘爾辭塵寰。寡母爨煙絕。孤兒生計艱。蕭條窮巷  
中。朱冥苔花斑。應憐舊題壁。遺墨猶嫺嫺。回頭望吳雲。  
清涕流潏潏。

沈清瑞字吉人號芷生明經笠舫之子孝廉  
贊漁之弟幼聰慧長擅詞翰乾隆癸卯舉鄉  
試第一丁未成進士需次一令辛亥歲年甫

三十餘卒于家詩筆綺麗擬庾徐小賦尤工  
孤甥林衍潮緝爲沈氏羣峯集石珠堂刻于  
京師別有史記補注尙未成書

昔與爾兄交跌蕩文史場爾時方在抱眉目清且揚阿  
父笑著鬚吾家小鳳皇森森玉樹枝看爾成棟梁弱齡  
弄柔翰才華美無雙弟兄協壘篋先後調筆質僧虔與  
僧達品譽無低昂孝威與孝綽峻拔俱非常世通金閨  
籍爾尤擅文章一舉作解頭年甫二十疆走馬曲江遊  
挾策登賢良謂當充著作簪筆趨明光夢覺翼雙垂不

得排天閭居然守常格需次文林郎 天子東巡守枚  
馬期騰驤爾時廂其間作賦獻長揚凌雲不見賞才命  
何相妨前年八九月有客來故鄉謂爾病且死一慟幾  
欲僵憶爾年及冠始學爲歌行阿父顧謂余利涉須舟  
航以余識塗馬挾爾登康莊逡巡不敢對自愧力未遑  
歲月曾幾何送爾歸北邙瓊樹竟生蕕蘭蕙秋不芳孤  
雛在纒襍能不中心傷爾兄五十餘一官道阻長嗟余  
十年來蕭瑟天一方爾死不及知爾病不得詳吳山何  
高高楚水何茫茫佗時致生芻墓草亦已荒

抽馭集